



Broj: 11-16.6-1821-4-2/15
Datum: 25.05.2015. godine

Na temelju člana 69. stav (2) tačka d), člana 70. stav (1), (4) i (6) Zakona o javnim nabavkama („Službeni glasnik Bosne i Hercegovine“, broj 39/14), na preporuku Komisije za javnu nabavku u skladu sa Zapisnikom o radu komisije broj: 11-16.6-1821-1-3/15 od 19.05.2015. godine, u postupku javne nabavke: Fizičkog i tehničkog obezbjeđenja objekata Agencije u Banjoj Luci i Sarajevu, za LOT 2 - Usluga fizičkog i tehničkog obezbjeđenja objekta Agencije za lijekove i medicinska sredstva BiH u Sarajevu, Ul. Maršala Tita br. 9, Sarajevo, direktor Agencije za lijekove i medicinska sredstva Bosne i Hercegovine d o n o s i

ODLUKU
o poništenju postupka javne nabavke

Član 1.

Poništava se postupak javne nabavke usluge: usluga: Fizičkog i tehničkog obezbjeđenja objekata Agencije u Banjoj Luci i Sarajevu, za **LOT 2 - Usluga fizičkog i tehničkog obezbjeđenja objekta Agencije za lijekove i medicinska sredstva BiH u Sarajevu, Ul. Maršala Tita br. 9**, CPV broj 79714000-2 – Usluge nadzora za potrebe Agencije za lijekove i medicinska sredstva Bosne i Hercegovine, iz razloga što nijedna od primljenih ponuda nije prihvatljiva – član 69. stav (2) tačka d) Zakona o javnim nabavkama („Službeni glasnik Bosne i Hercegovine“, broj 39/14).

Član 2.

Za ponovno pokretanje procedure ove nabavke zadužuje se Sektor za pravne i opšte poslove.

Član 3.

Ova odluka objavit će se na web-stranici www.almbih.gov.ba, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 11-16.6-1821-1/15 od 09.04.2015. godine.

Javna nabavka je provedena u skladu sa članom 8. Zakona o javnim nabavkama („Službeni glasnik BiH“, broj 39/14), **Ugovori na čiju dodjelu se primjenjuje poseban režim po postupku dodjele ugovora o uslugama iz Aneksa II. Dio B Zakona o javnim nabavkama.** Procijenjena vrijednost javne nabavke je **9.401,71 KM** bez PDV-a, od čega je za LOT 1 procijenjena vrijednost 7.264,96 KM, za LOT 2 procijenjena vrijednost 2.136,75 KM.

Obavijest o nabavci i Tenderska dokumentacija objavljene su na web stranici www.almbih.gov.ba i upućena ponuđačima: Alpha Security d.o.o. Banja Luka, Bond d.o.o. Banja Luka, DSC d.o.o. Sarajevo, Securitas d.o.o. Sarajevo, Sector Security d.o.o. Banja Luka, Unilab d.o.o. Sarajevo i Sikra Security d.o.o. Sarajevo.

Komisija za javnu nabavku imenovana je Odlukom broj: 11-16.6-1821-3/15 od 28.04.2015. godine.

Komisija za javnu nabavku dostavila je Zapisnik o radu komisije broj: 11-16.6-1821-1-3/15 od 19.05.2015 godine, koji je ujedno i izvještaj o radu. U Zapisniku o radu komisije se nalazi i izvještaj o ocjeni ponuda sa preporukom o poništenju postupka javne nabavke.

U postupku po izvještaju o radu je utvrđeno da je Komisija za javnu nabavku pravilno izvršila otvaranje blagovremeno prispjele ponude i evaluaciju iste za LOT 2, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda dva,
- da je blagovremeno zaprimljena jedna ponuda,
- da ponuda ponuđača „Sector Security“ d.o.o. Banja Luka u iznosu od 1.404,00 KM sa PDV-om nije prihvatljiva iz razloga, jer se ponuđač nije pojavio na pregovorima, koji su bili definisani u tački 26. Tenderske dokumentacije,
- druga dostavljena ponuda ponuđača DSC d.o.o. Sarajevo, koja je zaprimljena posle krajnjeg roka za zaprimanje ponuda vraćena je ponuđaču neotvorena. Jedini prisutni ponuđač u navedeno vrijeme za pregovore za oba LOT-a, bio je ponuđač DSC d.o.o. Sarajevo, čija ponuda nije mogla biti razmatrana zbog kašnjenja u dostavi.

U postupku ocjene provedenog postupka, rukovodilac ugovornog organa nije našao razloge, niti nepravilnosti koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija dala preporuku o poništenju postupka nabavke, te da je data preporuka u skladu sa Zakonom, podzakonskim i internim aktima i Tenderskom dokumentacijom.

Naime, u postupku predmetne nabavke nesumnjivo je utvrđeno **da nijedna od primljenih ponuda nije prihvatljiva**, čime su se stekli zakonski uslovi za poništenje postupka javne nabavke.

Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u članu 1. ove odluke.


POUKA O PRAVNOM LIJEKU

Protiv ove odluke može se izjaviti žalba najkasnije u roku od 10 (deset) dana od dana prijema ove odluke.

Dostaviti:

1. Ponuđačima,
2. Komisiji za javne nabavke,
3. Sektoru za pravne i opšte poslove,
4. Sektoru za finansijske poslove,
5. web-stranica,
6. a/a.

DIREKTOR



Veljka Mladenovića bb, 78000 Banja Luka
Centrala: +387 51 456 040; 456 050
Faks: +387 51 450 30
E-mail: info@almbih.gov.ba
www.almbih.gov.ba

3/3

Велька Млађеновића бб, 78000 Бања Лука
Централа: +387 51 456 040; 456 050
Факс: +387 51 450 30
E-mail: info@almbih.gov.ba
www.almbih.gov.ba